



# QUÆSTIO MEDICA

CARDINALITIIS DISPUTATIONIBUS

MANE DISCUTIENDA

IN SCHOLIS MEDICORUM

DIE JOVIS SEXTA MARTII,

M. NICOLAO LANGLOIS,

Doctore Medico, Præside.

*An odorifera conferant diuturnitati vitæ?*

I.



ALERE quidem suave est, & integrum esse viribus sensilis beatitudo censetur: sed (proh dolor!) ubi mortalis studet perennitati vitæ, eandem sentit sibi deficere, marcescentibus in seipso principiis vitæ duobus calore & humido; mors quippe, ut vita, naturalis. Vita permanens calidi in humido, mors extinctio ejusdem caloris ob inopiam humidi: mediæ inter has vitæ curriculum circumscribunt longævitas & brevitās, quæ certos habent gradus commensuratos à caloris & humidi proportionē, & à dispositione accidentium occultâ, fixâ & innatâ cuique individuo ab ortu ad aptitudinem generandi pravi aut boni succi, juxta quam variat plus aut minùs diuturnitas vitæ, minùsque & difficiliùs, aut magis & faciliùs à corruptione impetitur vnum individuum quàm aliud: hinc assuescit non ali corpus, ob idque infirmum erit; & cum omnibus morbis obnoxia maximè infirmitas sit, quoties offensum corpus fuerit, vitiosa pars maximè sentiet.

A.

& cùm rarè eveniat, vt quisquam non aliquam corporis partem imbecillam habeat, vt caput cerebrumve, quo in numero magna pars vrbanoꝝ est, aut stomachum, vt penè omnes cupidi litterarum, aut pectus, vt incurui & gibbosi, succurrendum erit semper parti laboranti, cui fors non contigit valere & senescere.

## II.

**R**UINAM quoque nostram aër etiam adjuvando tentat, qui nobiscum est inevitabilis, quo nemo carere possit, nisi subitâ maransi obeat: calidus & humidissimus est, neutriquam ramen vbiq; talis; quâ tangit convexum ignis, incorruptus, infra vnde meteora prodeunt, frigidus, in infima regione, ceu apud nos, inæqualis, capax impressionum malignarum, quas creant vapores exhalationesque elatæ à terrâ, ab aquis, à stagnis, lacubus, paludibus, cloacis, vallibus, cannabaceis, plantis arboribusque viscosis, resinosis & malæ complexionis, vt ficibus, fraxinis, nucibus, quarum substantia, vicinia, umbra & sub his requies & mora, ob halitum noxium, inimica valetudini, & suspecta tempore ronitui; & aliis, in quibus nidificant bruchi, erucæ, cantharides, ærugines & similes; quas si etiam Auster afflaverit ventus opifex omnis putredinis in locis pluviis & irriguis, vbi ranæ bufonisque assidui sunt; omnis fætoris in plantis; omnis corruptelæ in insectis; omnis labis, inquinamenti & pestilentiae in brutis, aër qui nos contactu, inspiratu respiratûque afficit, deferens seminaria illa contagii, brevi quoque nos suo vicio perfundet.

## III.

**P**ARS faciei nasus viam aëri præbet, & ab imo in meatus duos ostiæ medio discretos fissus est, qui versùs os in bina itinera dividuntur, quorum hæc ad pectus per fauces descendunt, & spiritali accipiendo & reddendo inserviunt; alia ad cerebrum tendunt, quod etiam aër ascendit, cum hoc tamen discrimine; quod reciprocatio spirituum de pectore fiat per gurgulionem, non de capite aliquâ parte acitetur; auguror ita fieri propter olfactum qui in eadem parte nobis datur, néve exeat odor vbi semel ascendit, nam si quid sit quod cerebro noceat, præstò est sternutamentum quod in eadem agitur parte omen certum valetudinis diuturnæ: ita nemini dubium sit, quin aër cor, pectus & cerebrum attingat, spiritus vitales & animales ventilat, mundificet, renovet atque exhilaret, & eò ampliùs, quò magis odoriferis, vt jasminorum, delibutus fuerit.

## IV.

**O** DORIS delibatio sensum quidem movet, sed ejus essentia clandestina est, & origo illius ignota: si credideris agricolis, cum æstatis initio terram arant, & efferbuerit, quidquid ediderit, principio bene olet; olitoribus, minimum granum quod germinat, emergit rubrum, quasi coloris ignei & odoriferi; pastoribus, arbores omnes, in quas decubuerint radii iridis, odoratae sunt, ut aspalathus, vitis sylvestris, rubus & id genus aliquæ; si rerum naturalium studiosis, solæ plagæ quæ ad orientem solem spectant, odoratiores plantas alunt, minus quæ ad Aquilonem, rariùs quoque loca Syriæ, Arabiæ & Africæ; si vsui & experimento, quædam odorem non reddunt, nisi crementur igni, ut suffimenta; alia nisi contusa & fricata; nonnulla plenius olent ubi mota & agitata quàm quiescentia: & sicut hyberno tempore minus olfacere possumus, ita omnem odorem frigus, glacies & hyems extinguit; quocirca non aberravit qui odoris ducem calorem esse ait, quia calor quædam natura odoris est, quodd ejus delibatio sursum feratur ad nasum & cerebrum, quodd in longinquam distantiam permeet, & æstate vigeat; ideo quodcunque odoriferum fuerit, mixtum est corpus in quo præpoller calor & siccitas cum paucum humido, sed sapido, quod à calore commensuratè concretum vaporem in se continet qui etiam odoris fert suavitatem. Provenit itaque ille odoris affectus non in omni subiecto & qualicunque materie, sed in disposita, quæ ubi immaduerit, & calorem exteriorem solis senserit, spirare incipit, & vaporem intra se conceptum, sed suaveolentiæ, emittit, qui odor est, qualitasve pollens speciatim in floribus, ad quos à natura transmittitur, & in halitu tanquam in subiecto sensum feriens: si enim alicubi, ut in cortice, ligno, foliis, fructibus, radice stirpis latitet, non effunditur, nec eminus sed cominus tantum secretior innotescit. Quamvis autem multa animalia fortiori olfactu gaudeant, accurrantque, aut avolent è longinquis intervallis ad pastum quasi odore inescata, homo tamen exquisitiore præditus est, & differentiis ysisque odorum perfectè dijudicat.

## V.

**L** ANGUOR est imbecillitas totius substantiæ cordis orta à fœtido vapore obvio introeunte cum aëre in capacitatem ipsius, à quo spiritus vitales exoluti concidunt virésque; ad cujus auxilium factus est à natura odor, qui proprius est soli homini, & cordi maxime,

quod cum semper respirare debeat, etiam nihil respiret, nisi quid odoriferum, à quo ejus substantia imprimis siccitatem contrahat ad robur & perennitatem, à quo motus illi tremuli à graveolentia excitati sedentur, à quo spiritus vitales reficiantur; licet enim odor non sit nutrimentum, est tamen fomentum spirituum vitalium, qui sunt vinculum animæ & corporis. Quare nec alienum erit à natura, cujus opera perpetuè ars nostra sequi solet & imitari, circumire loca obsita arboribus & plantis odoriferis, quarum flores adhuc animatos & tunc suaveolentiores cor subolfaciat; aut si fas non est, flores recenter excerptos; si nec hoc liceat, subodorari lintea quædam intincta in eorumdem florum aquis odoratissimis, & naribus orique admoveere; ad extremum, si hæc non arrideant, cura tibi concinnari globulum ex ambra, moscho, civeta, quem secretò geras, volvas, contrectes & subolcas; hunc senties non solum prodesse cordi sed & cerebro opitulari; frigido enim naturâ existente cerebro, & sanguine, qui circa illud in angustis venis existit, subtili & puro, caput fluxionibus opportunum est, si ascendentibus odoribus in cerebrum propter levitatem caloris, etiam calor illorum adjuvet, quod frigus naturæ partis infestat. Sic ubi aures intra se sonant, aut tympani humiditas nimia obest ne eadem exterum sonum accipiant, gossipium moschatum intrasum in aures exsiccatur tympanum, & auditum restituit: sic mane spiritum vini os fovere, eluere, salubris visus fuerit in cordis & stomachi firmitatem; esse quoque in mensæ edulia ex odoriferis condita; forbere jussula ex oleribus aromaticis; ferinæ quoque bestias, tam aves quam quadrupedes venaticas assatas comedere cum succo aurantiorum; miscere quoque his acetaria ex balsamo, nasturtio & aliis pusillis herbis fragrantibus; vii vino tenui frambosio, mos suavis erit toti palato: horum enim omnium vapor gratiosus & suaveolens tempore coctionis emissus à stomacho in cor, cui consociatus est per sympathiam, & in cerebrum, corpus incolume inter odores servat. Quid plura? mirum est inter fastidiosas medicamentis purgantibus forbitunculas etiam dari locum aromaticis in patrocinium merentis stomachi; & in casu pestilentie cum nemo securus esse possit, immunis à periculo est qui forbuerit theriacæ aut confectiois alkermes aut de hyacintho drachmam unam, & stipatus odoriferis incederit.

*Ergo odorifera conferunt diuturnitati vitæ.*

Proponebat Lutetiæ FELIX LISLEMAN,  
Constantiensis A. R. S. H. M. DC. LXX.

Typographia EDMUNDI MARTINI, viâ Jacobæ, sub Sole aureo.